

Broj: 01- 652 /26

Datum: 22.04. 2026. godine



OPĆINA MAGLAJ

- Općinsko vijeće Maglaj ✓
- n/r Predsjedavajuća Općinskog vijeća
- n/r Općinski načelnik

PREDMET: Zahtjev za donošenje Odluke o nastavku rada i budućem režimu deponije „Nekolj“
– HITNO POSTUPANJE

Poštovani,

Obraćamo Vam se sa zahtjevom da Općinsko vijeće Maglaj, kao osnivač i vlasnik lokacije, donese zvaničnu Odluku o nastavku rada deponije komunalnog otpada „Nekolj“.

Donošenje ove odluke je hitan i obavezan korak naložen Rješenjem Kantonalne uprave za inspekcijske poslove (u prilogu), kako bi se izbjeglo prinudno zatvaranje deponije. Naime, prema članu 18. Pravilnika na koji se inspektor poziva, pravna osoba može pristupiti izradi „Plana prilagodavanja“ samo ako je prethodno iskazana jasna namjera o nastavku rada.

U skladu sa strateškim ciljevima Općine Maglaj, predlažemo da se Vijeće izjasni o sljedećem:

1. Nastavak rada i odlaganja: Deponija „Nekolj“ će se u jednom njenom dijelu koristiti za dalje odlaganje otpada uz uporednu sanaciju postojećeg neuređenog odlagališta.
2. Usklađivanje sa regionalnim konceptom: Nastavak rada će se odvijati uporedo sa izgradnjom pratećih sadržaja prilagođenih regionalnom konceptu odlaganja, za što posjedujemo pravosnažno Odobrenje za građenje od 12.06.2025. godine.
3. Ispunjavanje inspekcijskog naloga: Ova odluka služi kao osnov za izradu Plana prilagodavanja koji se mora dostaviti nadležnom ministarstvu u roku od 12 mjeseci, čime se osigurava zakonsko upravljanje otpadom.

Napominjemo da je inspekcijskim Rješenjem jasno navedeno da se u slučaju nedostatka odluke o nastavku rada moraju pokrenuti aktivnosti zatvaranja lokacije u roku od 30 dana, što bi dovelo do potpunog prestanka odlaganja komunalnog otpada na odlagalište Nekolj i obavezu prelaska odlaganja na regionalnu deponiju Mošćanica.

S obzirom na navedeno, molimo da OV Maglaj zauzme svoj stav po ovom pitanju i donese Odluku u najkraćem roku, kako bi se ispoštovali zakonski rokovi kao i naložene inspekcijske mjere.

Dostavljeno uz zahtjev:

1. Kopija Rješenje kantonalnog inspektora broj: 18-19-02653/26-08-02-002-P.
2. Prijedlog Odluke o nastavku rada i budućem režimu deponije „Nekolj“

Dostavljeno:

- 1) 3x naslovu
- 2) 1x a/a

Direktorica: Šefka Hasanić


nota
kavica
dir
ala

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNA UPRAVA ZA
INSPEKCIJSKE POSLOVE



Bosnia and Herzegovina
Federation of Bosnia and Herzegovina
ZENICA-DOBOJ CANTON
CANTON ADMINISTRATION FOR
INSPECTION AFFAIRS

Sektor za inspeksijski nadzor u oblastima
poljoprivrede, vodoprivrede, šumarstva, veterinarstva, zdravstva, urbanizma i ekologije
INSPEKTORAT GRAĐEVINSKE, URBANISTIČKE I EKOLOŠKE INSPEKCIJE
Inspekcija zaštite okoliša



Broj: 18-19-02653/26-08-02-002-P
Zenica, 17. 4. 2026. godine

Na osnovu člana 87. i 88. Zakona o inspekcijama Zeničko-dobojskog kantona („Službene novine Zeničko-dobojskog kantona“, br: 6/11, 15/21, 18/24), u postupku vršenja inspeksijskog nadzora po službenoj dužnosti kod privrednog društva „Komunalno javno društvo“ d.o.o. Maglaj, sa sjedištem u Maglaju, ul. Mladih broj 4, inspektor zaštite okoliša Kantonalne uprave za inspeksijske poslove Zeničko-dobojskog kantona, donosi

RJEŠENJE

Nalaže se privrednom društvu „Komunalno javno društvo“ d.o.o. Maglaj, sa sjedištem u Maglaju, ul. Mladih broj 4, da rad postojećeg neuređenog odlagališta otpada na lokalitetu Gradske deponije „Nekolj“, Liješnica, općina Maglaj, uskladi sa odredbama člana 18. Pravilnika o uslovima za određivanje načina i uslova odlaganja otpada na deponije, uslovima rada za deponije i načinu i uslovima zatvaranja deponija („Službene novine FBiH“, broj 51/25), i to na sljedeći način:

1. Najkasnije do 17.07.2026. godine obavijestiti nadležno ministarstvo o namjeri nastavka rada i prilagođavanja deponije uslovima iz navedenog Pravilnika ili o prestanku rada i zatvaranju deponije, uz provođenje sanacije lokacije, te dokaz o dostavljenoj obavijesti dostaviti ovom inspektoratu.
2. Odgovorna osoba za upravljanje otpadom dužna je unositi propisane podatke u Informatični sistem od dana stupanja na snagu navedenog Pravilnika.

O b r a z l o ž e n j e

Dana 16.04.2026. godine izvršen je inspeksijski nadzor kod privrednog društva „Komunalno javno društvo“ d.o.o. Maglaj, sa sjedištem u Maglaju, ul. Mladih broj 4, kojom prilikom je utvrđeno i zapisnički konstatovano da je godišnji izvještaj o ispunjavanju uslova iz dozvole za upravljanje otpadom blagovremen i prihvaćen.

U skladu sa članom 18. stav (2) Pravilnika (51/25), postojeće neuređene deponije imaju obavezu da, u roku od jedne godine od dana stupanja na snagu Pravilnika, obavijeste nadležno kantonalno ministarstvo o svojoj opredijeljenosti u pogledu budućeg statusa deponije, i to:

1. o nastavku rada i prilagođavanju uslovima propisanim Pravilnikom i minimumu uslova za deponije, ili



2. o prestanku rada i zatvaranju deponije uz provođenje sanacije lokacije.

Iz citirane odredbe jasno proizlazi da je zakonodavac uspostavio fazni pristup usklađivanju postojećih neuređenih deponija sa propisanim standardima, pri čemu je donošenje odluke o budućem režimu rada prethodno i nužno u odnosu na sve dalje obaveze.

Članom 18. stav (4) Pravilnika propisano je da se Plan prilagodavanja postojeće neuređene deponije dostavlja nadležnom ministarstvu u roku od dvanaest (12) mjeseci od dana dostavljanja obavijesti iz stava (2) ovog člana. Dakle, obaveza izrade i dostavljanja Plana prilagodavanja pravno je uslovljena prethodno iskazanom namjerom nastavka rada.

Nadalje, članom 18. stav (6) Pravilnika propisano je da, nakon pribavljanja odobrenja Plana prilagodavanja, pravna osoba koja upravlja deponijom mora pribaviti dozvolu za upravljanje otpadom za aktivnost odlaganja, u skladu sa Zakonom i Pravilnikom, kao i okolinsku dozvolu, ukoliko je ista neophodna u skladu sa Zakonom o zaštiti okoliša. Iz tumačenja navedene odredbe proizlazi da se i ove obaveze odnose isključivo na situaciju u kojoj je donesena odluka o nastavku rada deponije.

S druge strane, članom 18. stav (8) Pravilnika propisano je da, ukoliko se ne planira nastavak aktivnosti odlaganja otpada, pravna osoba koja upravlja deponijom mora započeti aktivnosti zatvaranja i sanacije lokacije u skladu s odredbama Pravilnika, te o tome obavijestiti nadležno kantonalno ministarstvo u roku od 30 dana od dana donošenja odluke o prestanku rada.

Cijeneći naprijed navedeno, odlučeno je kao u dispozitivu ovog rješenja.

POUKA O PRAVNOM LIJEKU

Protiv ovog rješenja može se izjaviti žalba Federalnoj upravi za inspeksijske poslove, Fehima ef. Čurčića br. 6, Sarajevo, sa naznakom za Inspektorat urbanističko - ekološke inspekcije, u roku od 8 dana od dana prijema ovog rješenja, u skladu sa članom 98. stav 1. Zakona o inspekcijama Zeničko-dobojskog kantona ("Službene novine Zeničko-dobojskog kantona", broj 06/11, 15/21, 18/24).


Žalba se predaje lično ili putem pošte Kantonalnoj upravi za inspeksijske poslove Zeničko-dobojskog kantona, i taksira se sa 15,00 KM shodno tarifnom broju 3. Zakona o federalnim upravnim taksama i tarifi federalnih upravnih taksi ("Službene novine FBiH", broj: 06/98, 8/00, 45/10, 43/13 i 98/17).

Dostaviti:

1. KOMUNALNO JAVNO DRUŠTVO DOO
MAGLAJ
UL. MLADIH BR. 4, 74250 MAGLAJ
2. a/a

M.P.

Jasmina Tica
Kantonalni inspektor zaštite okoliša



Na osnovu člana _____ Statuta Općine Maglaj i člana 18. stav (4) Pravilnika o uslovima za određivanje načina i uslova odlaganja otpada na deponije („Službene novine FBiH“, broj 51/25), Općinsko vijeće Maglaj na sjednici održanoj dana _____ 2026. godine, donosi:

O D L U K U

o nastavku rada i budućem režimu deponije komunalnog otpada „Nekolj“

Član 1.

Općinsko vijeće Maglaj iskazuje namjeru i donosi odluku o nastavku rada deponije komunalnog otpada na lokalitetu „Nekolj“ (MZ Liješnica).

Član 2.

Odlaganje otpada na lokaciji iz člana 1. vršit će se uporedo sa aktivnostima na sanaciji postojeće deponije i izgradnji pratećih sadržaja prilagođenih regionalnom konceptu odlaganja otpada.

Član 3.

Aktivnosti sanacije i izgradnje iz člana 2. provodit će se u skladu sa pravosnažnim Odobrenjem za gradnje izdatim dana 01.08.2025. godine, te važećim zakonskim i tehničkim standardima zaštite okoliša.

Član 4.

Zadužuje se „Komunalno javno društvo“ d.o.o. Maglaj da, na osnovu ove Odluke, u zakonskom roku najkasnije do 17.07.2026. godine, dostavi obavijest o namjeri nastavka rada nadležnom Federalnom ministarstvu okoliša i turizma, te pristupi izradi i dostavljanju Plana prilagođavanja.

Član 5.

Ova Odluka stupa na snagu danom donošenja i bit će objavljena u „Službenim novinama Općine Maglaj“.

Obrazloženje:

Pravni osnov za donošenje ove Odluke sadržan je u odredbama člana 18. Pravilnika o uslovima za određivanje načina i uslova odlaganja otpada na deponije i načinu i uslovima zatvaranja deponija („Službene novine FBiH“, broj 51/25).

Stav (4) navedenog člana propisuje da je izrada i dostavljanje Plana prilagođavanja postojeće deponije nadležnom ministarstvu pravno uslovljeno prethodno iskazanom namjerom nastavka rada. S obzirom na to da je Općinsko vijeće vlasnik lokacije i osnivač KJD doo Maglaj, ono je jedino nadležno tijelo koje može iskazati takvu namjeru u ime lokalne zajednice.

Nadalje, stav (8) istog člana propisuje da ukoliko se ne planira nastavak aktivnosti odlaganja otpada, pravna osoba koja upravlja deponijom (KJD d.o.o. Maglaj) mora započeti aktivnosti zatvaranja i sanacije lokacije, te o tome obavijestiti nadležno ministarstvo u roku od 30 dana.

Neposredni povod za donošenje ove odluke je Rješenje Kantonalne uprave za inspeksijske poslove (broj: 18-19-02653/26-08-02-002-P) od 17.04.2026. godine, kojim je inspektor naložio usklađivanje rada deponije „Nekolj“ sa zakonskim propisima.

Inspeksijskim nalazom postavljen je prekluzivni rok – 17.07.2026. godine – do kojeg se nadležno ministarstvo mora obavijestiti o odluci. Ukoliko se ova odluka ne donese, deponija automatski prelazi

u režim zatvaranja, što bi dovelo do potpune obustave odlaganja komunalnog otpada na području općine Maglaj i ogromnih ekoloških i finansijskih problema.

Donošenjem ove odluke, Općinsko vijeće omogućava KJD d.o.o. Maglaj da uđe u proces legalizacije i prilagodavanja deponije regionalnom konceptu, za što je već osigurano pravosnažno Odobrenje za gradnje od 01.08.2025. godine.

Predsjedavajuća OV Maglaj: Aida Bašić